

AYUBA

Setan Ayuba yōnaa 1:1-2:13

Ayuba a igɔɔ gyabonaa 3:1-3:26

Ayuba gbēnnanɔ yāweanaa 4:1-5:22

Ayuba wena a gbēnnanɔa 14, 19, 31

Dikiri wena Ayubaa 38:1-41:34

Ayuba yā midɛnaa 42:1-42:17

Setan Ayuba yōna káaku

¹ Gōgbē ke kú Uzu bùsun yā, a tón Ayuba. Gbē manamε, àdigō taari vīro. À Luda vīna vī akūsō à gī yāvānikenaai.

² À négōgbēno vī gbēnoɔn suppla, nēnoɔgbēno gbēnoɔn aakō.

³ À sāno vī dúbu suppla, lakumino dúbu aakō, zùno wāa sɔɔro, zaakino wāa pla kpé basɔɔro, akūsō a zīkerinoɔn dasi manamana. À aruzeke zōkō de gbē sīnda pínki pólá ifāboki kpa.

⁴ À négōgbēno digō ponna poble kekōne be kú beo, òdi n̄ dāre pino sísi ò mó ò pó ble ò í mi kūrwo lele.

⁵ Gɔɔ kú ò ponna pó blè ò làka pínki, Ayuba di gbē zīmma ò gbà boñne. Tó gu dè, àdi fute kɔnkɔkɔnko à sa'opɔ kú òdi ká tén à té kú o n̄ baadine à pi: Òdigō dōro ma nēno durunna kè ò dokè kú Ludao n̄ swēn gwεε. Len Ayuba digō ke le gɔɔ sīnda pínki.

⁶ Zīkea malaikanɔ sù ò zè Dikiri are, akūsō Setan kú n̄ té.

⁷ Akū Dikiri pì Setanne: N bo mámeε? À wèa à pì: Maten gé maten su maten likara andunia gūmmε.

8 Akū Dikiri pìne: N ma zòbleri Ayuba è yá? A sára kú andunia gūnlo. Gbē maname, à taari vīro. À ma vīna vī akūsō à gī yāvānikenaai.

9 Akū Setan pì Dikirine: Ayuba n vīna vī pān yá?

10 Mòkōmmē n karaa kpà n likai kū a beo kū pò kū à vīno pínki. N arubarikaa dà a zīn, akū a póno kàra à dàgula.

11 N ɔ bo n pá a póno pínki n gwa, tó adi yā vāni onnero.

12 Akū Dikiri pìne: Tò! Ma a pò sīnda pínki nānne n ɔī, ama òsun ɔ pá a mēero. Akū Setan gò Dikiri are.

13 Zīkea Ayuba négōgbēno kū a nēnogbēno ten pò ble òten sēwē mi n vīni bea.

14 Akū gbēke sù Ayuba kīnaa à pì: Zùnno ten bú wí akūsō zaakinno ten sē ble n sare,

15 akū Sebanò lèterímma ò n sète ò tà kūńwo, ò n dārinno dède kū fēnedao. Makū mé ma bo mado ma su a baaru kpánne.

16 Adi yā o à làkaro, akū gbē pānde sù à pì: Sura pète n sã kpāsano ò té kù, pódārinno gàga. Makū mé ma bo mado ma su a baaru kpánne.

17 Adi yā o à làkaro, akū gbē pānde sù à pì: Kaladiano kō kpàatete gā aakō ò sù ò lète n lakuminno ò n sète ò tà kūńwo, ò n dārinno dède kū fēnedao. Makū mé ma bo mado ma su a baaru kpánne.

18 Adi yā o à làkaro, akū gbē pānde sù à pì: N négōgbēno kū n nēnogbēno ten pò ble òten sēwē mi n vīni bea,

19 akū zàga'īa gbāna kàka à bò gbārannan à sù n kpé kusuru siikōno, akū à lète à sì né pīno ò gàga. Makū mé ma bo mado ma su a baaru kpánne.

20 Akū Ayuba fùtε à a uta gà à kè à a mii bò. Akū à wùtε a gbεεa à donyĩ kè Ludanε

21 à pì:

Ma bo ma da gbεεn ɔkori
akūsō mani era mà tá ɔkori.
Dikiri kpàma akū à èra à sìma.

Ò Dikiri sáabu kpá.

22 Yá pìnɔ gūn pínki Ayuba dí durunna kε à Luda taari èro.

2

Setan Ayuba yōna a gèn plade

1 Zīkea malaikanɔ èra ò sù ò zè Dikiri arε, akūsō Setan kú ní té. À zè Dikiri arε,

2 akū Dikiri a là à pì: N bo mámεε? À wèa à pì: Maten gé maten su maten likara andunia gūmmε.

3 Akū Dikiri pìnε: N ma zòbleri Ayuba è yá? A sára kú andunia gūnlo. Gbē manamε, à taari vīro. À ma vīna vī akūsō à gì yāvānikenaai. Bee kū n ma sã vùnε, ma kisira kpai pã, à kpé kun taari sari ari tera.

4 Akū Setan pìnε: N kemεnε mà kennε. Pó kū gbē vī sīnda pínki ani kpá a surabana yāi.

5 N n ɔ bo n pá a mēεa n gwa. Ani yā vāni onnε.

6 Akū Dikiri pìnε: Tò! Ma a nānnε n ɔĩ, ama n à wèndi tó.

7 Setan gò Dikiri arε, akū à bòbūnu zì Ayubaa sena zaa a gèscεa ari à gèε pé a mìdangura.

8 Akū Ayuba takaso sè à gèε à vùtε tubura, àteni a zīda wao.

9 A nanɔ pìnε: Īnigō kpé kun taari sari ari teran yá? N yā vāni o Ludanε n ga.

¹⁰ Akū à pìnɛ: Nten yā o lán nɔgbē yɔnkɔ bà. Ónigɔ yā mana le Luda ɔ́ ò gí a vāni lei yá? Yā pìnɔ gūn pínki Ayuba dí durunna ke a yā'onaa gūnlo.

Ayuba gbēnnanɔ suna a kīnaa

¹¹ Kū Ayuba gbēnna gbēnɔn aakɔnɔ kisira kū à a lèno baaruu mà, n baadi bò a bea ò kɔ kàkara, akū ò gèè ò wēnda ke kãao ò a laakari kpátɛnɛ. N tónɔn dí: Temana gbē Elifaza, Sua gbē Bilídada kū Naamati gbē Zofao.

¹² Kū ò a wīna kè zàzā, odi a dɔro, akū ò ɔ̀ dɔ̀, n baadi a uta gà à kè, akū ò būsuu dà ò fā musu n mīla.

¹³ Akū ò vùte kãao zīte gɔro suppla fānantē kū gwāanio. N gbēke dí yāke o kãaoro, zaakū ò è lākū a warikɛnaa kè zɔkɔ manamana nà.

3

Ayuba a igɔro gyabonaa

¹ Abire gbɛra Ayuba lé wè à yā vāni ò a igɔro musu

² à pì:

³ Luda ma igɔro ke pā atēnsa gwāani kū ò ma nòò sī pī.

⁴ Gɔro pì li gusira ũ, zaa musu Luda sún a yā daro, àsun tó gu puaro.

⁵ Gusira kū níkiniki gɔro pīa, ludambɛ sira kútɛa, gusira bitim daala.

⁶ Gwāani pì sɔ̀ à sira kū níkiniki, òsun a da wè gɔroɔnɔ té doro, òsun a naro mɔ gɔroɔnɔ gūnlo.

⁷ Gwāani pì ke gwāani fīni ũ,

ayuwii súnḡ dɔ ɔɔ kùaro.

⁸ Pódammari kù òdi tó ifántē gu puronɔ láari ke ɔɔ
pìia,

gbē kù ò dṣ lákū òdi ɔ ká kwāsaai pìnɔ.

⁹ A gudɔnao susunɔ sira kù,
oni a gudɔna dā pā, gu ni kēro.

¹⁰ Zaakū ɔɔ pì dí ma da né'isɔ zé tatamalero,
à tò ma wé wari è.

¹¹ À kè dera òdi ma i gè ũroo?

Býái mádi bo gberɛn ma era gònɔroo?

¹² À kè dera ò ma kpa gbálaa?

Býáin ò yṣ kpàma ma mii?

¹³ Tó ma ga yā, de ma gṣ kítikiti,

de ma i ò ma kámma bò

¹⁴ kù kínanɔ kù andunia gūn lédammari

kù ò kínabe zīnɔ kèke ò bò n zīdanɔ,

¹⁵ kíne kù ò wuraa kàkarańyĩnɔ

akūsɔ ò andurufuu kà n kpén à pà.

¹⁶ À mana yā ò ma vī lán nòbɔtɛne bà,

lán né kù à sù gè ũ adi andunia ero bà.

¹⁷ Gwen yāvānikerinɔ di n vānikena tón

akūsɔ gbē busananɔ di kámma bon.

¹⁸ Zìzɔnɔ di ñampaki le gwe,

òdi n wétāmmarinɔ kòto ma doro.

¹⁹ Gbānadenɔ kù talakanɔn kù gwe n pínki,

akūsɔ zɔɔ diḡ de a dikiri pó ũ gwe doro.

²⁰ Býái Luda di gu pu wēndadenɔnɛɛ?

À kè dera àdi wēndi kpá gbē kù n pɔ siranɔaa?

²¹ N wé diḡ dɔ gai òdi lero,

òdi kpáte kei de aruzeke kù à utenala.

22 Tó ò gà ò ñ vī, òdi pɔnna ke,
 ñ nèseε dì ke nna.

23 Luda ñ zia yā ùteíne,
 à karaa lĩkańyĩ kpa sĩnda pĩnkia.

24 Wesakakara à bona mé à gò ma póbile ũ,
 ma ndanaa dì lákaro.

25 Yā kũ ma vīna kènεε pì mé à ma le,
 yā kũ ma kã gĩ pì mé à sùma.

26 Má ĩampana vīro, ma laakari kpátεnaro.
 Má kámmabona vīro, ma wari dì lákaro.

4

Elifaza yāwena Ayubaa

1 Akũ Temana gbě Elifaza yā wèa à pì:

2 Asa tó gbě yā ònne, ĩni pɔ fēroo?
 Zaakũ mani fō màgō yītenaro.

3 Ñ dɔn lákũ n lé dà gbēnɔa dasi nà,
 n gbě kũ ñ gbāna làkanɔ gbà swèε.

4 N yā gbě kũ òten funɔ sè lei,
 n gbě kũ ò busananɔ gbà gbāna.

5 Kũ yā n le sà, akũ nten fu,
 kũ à sùmma, n bídi kè.

6 N vīnakena Ludanε dí n laakari kpátεroo?
 N kunna taari sari dì tó ñgō tāmaa vīroo?

7 Ñ laasun lé ñ gwa!

Kisira taarisaride lè ziki ari à gà yá?
 Mán ò gbě mananɔ kàkatεn zikii?

8 Gbě kũ à yā vāni bú wì à yākete tōa,
 ma è abire mé àdi butεnε.

9 Luda lé'ĩa mé àdi a kakatε,
 a pó bona a yīn mé àdi a dúgu zō.

10 A pūtāna kũ kòto gbānao lán músuu bà dì láka,

Luda dì a saka worone.

¹¹ Àdi ga lán músu kũ à nòbɔɔ wète à kùraii bà,
a néné ni gbasà ò fākōa.

¹² Yā sùma kpāni asiri gūn,
a ãa gè ma sãn.

¹³ Gɔɔ kũ maten nana bène o gwāani,
gɔɔ kũ gbēno i ò ò kà zã,

¹⁴ vīna ma kũ maten lukaluka,
ma mègu sīnda pínki ten luka.

¹⁵ Ìa ke buri ma pa ma ānnwa,
ma mèkāsese fùte à zè.

¹⁶ Kũ à zè, mádi a taka dōro,
pó pì kú ma are,

akũ ma a kòto kpāni mà à pì,

¹⁷ bisāsiri ni fō àgō de yānnade ũ Ludane yá?
Gbē ni fō àgō zēna a Kèri are yá?

¹⁸ Zaa kũ Luda dì a malaikanò náani kero,
akūsō àdi a zīkerii pino taari le,

¹⁹ ókōno kũ ó mè de lán ē kpé bà,
ó kasana de bùsu kori ũ

akūsō òdi ó dúgu zō lán dāmboroò bà,
oni ó pó o dō yá?

²⁰ Zaa kōnkò ari okosi gbēno dì gaga,
òdi kakate ari gɔɔ sīnda pínki,

òdi ñ tàasi káro.

²¹ Luda dì ñ kuta lí gborońne,
akũ òdi ga òndō sari.

5

¹ Ñ lé zú sà ñ ma tó gbēke ni wemma.

Malaika kpaten ñni are dōaa?

² Íbetesenaà dì yōnkò de,

nèseḡḡbaa dī mīsaride kakate.

³ Ma è yōnko zīni pète,
akū zīni pīi yò kānto.

⁴ A nēno zā kū aafia kīnaao,
òdi n̄ yāno mātēmateīne yākpatekēkia,
gbēke dī ze kūńworo.

⁵ Nāderino dī a burapono ble,
bee pó kū à lèe likaino,
ímiderino dī luka a aruzekēi.

⁶ Kisira dī fute būsuno,
wari dī bute zītero.

⁷ Lákū tēpūtāna gena musu sika vīro nà,
len gbē kū ò ì pínki dī wari le e.

⁸ Tó makūme sō, Ludan mani gbeka,
mani ma yā kpáte a are.

⁹ Àdi yā zōkō ke kū oni fō ò a gbá dōro,
oni fō ò a yābonsarēkenano lé dōro.

¹⁰ Àdi tó legū ma zīte,
àdi tó a í dagula sēnte.

¹¹ Àdi gbē busanano sé lei,
àdi wēndadeno da pōnnan.

¹² Àdi yā kū manafikideno ten péa gboro,
de n̄ zī sūngō arubarika vīro yāi.

¹³ Àdi òndōrino kū n̄ wézē gūn,
àdi tó yālekperē'orino yāḡḡḡna ke pā.

¹⁴ Gu dī sira kūmā fānantē,
òdi o mātēmate fānantē lán gwāani bà.

¹⁵ Àdi takasideno bo ga léi,
àdi pōsarideno bo gbānamōnnerino oī.

¹⁶ A yā mé à tò gbānasaridenon tāmaa vī,
yāzedesarideno dī yīte kyáu.

17 Arubarikaden gbē kū Luda dì a toto ũ.

Tó àteni n sã gaga, ñsun yāvunu káro.

18 Zaakū àdi gbē kīna akū àdi a bò gwa,
àdi gbē wíwi akū àdi a werekōa.

19 Ani n bo yān gèn suddo,
bee tó à kà gèn suppla, kisira ni n lero.

20 Ani n sí gaa nàgɔɔ,
ani n bo fēneda léi zìlan.

21 Dikiri ni n bo gbēyakarinɔ ɔĩ,
tó yakanaa sù, vīna ni n kūro.

22 Īni yakana kū nàao yáa dɔ,
ĩni vīna ke nòbɔ pásĩnɔnɛro.

23 Zaakū ĩnigō kun aafia kū gbènɔ,
ĩnigō nna kū nòbɔsɛntɛnɔ,

24 ĩnigō dō kū n ɔn nigō nna,
tó n ge n kpàsan, pòke ni kīaro.

25 ĩnigō dō kū n nénɔ ni ke dasi,
n burinɔ ni dagula lán sèè bà.

26 Īni zĩ kū yúkuyuku gbasa ñ ga
lán ése kū à mà ò kè a gɔɔaa bà.

27 Kū o yā pìi asiri gbèka, len à de ɛ.
Ñ yā pìi sí nígō dō kū n zīda yāme.

14

Ayuba yá'ona Ludane

1 Bisāsiri dì bo nɔgbē kīnaame,
a wèndii kusu, àdigō kun yākete sariro.

2 Àdi pia lán lávu bà àdi kori ke,
àdi gēte lán uraa bà àdi gì kero.

3 Gbē dí takan ĩni wé dɔa
n yākpate ke kãao yá?

⁴ Pó gbāsī ni f̄s̄ à p̄s̄ gbāsīsari i yá?

Ani sí kero.

⁵ N bisāsiri ḡr̄o d̄t̄ene,

a m̄o lé kú n ɔ̄i,

n a w̄è lé d̄ane, ani f̄s̄ à v̄ialaro.

⁶ Ñ wé goa ñ a tó gwe

ari a ḡr̄o lé papa lán zamalingakerii bà.

⁷ Lí d̄iḡo t̄amaa v̄ime,

zaakū tó ò z̄ò, àdi era à b̄òt̄o pá,

akūs̄o a b̄òt̄o dufu p̄iì d̄i furo.

⁸ Bee tó a z̄ĩni z̄i kù z̄ĩte ḡũn,

akūs̄o a mukutu gà b̄usun,

⁹ tó à í gb̄i mà, ani b̄òt̄o pá,

ani gà bo lán lí k̄i ò p̄eè bà.

¹⁰ Tó gb̄e gà s̄o, àdiḡo wutena s̄òr̄o,

àdi tá àdiḡo kun dorò.

¹¹ Lákū s̄èbe'i d̄i lago nà,

akūs̄o swa'i d̄i baba à láka,

¹² len bisāsiri d̄i w̄ute le àdi fute dorò,

ari ludambe gé ḡēteo, ani vuro,

ani vu k̄i i p̄iìoro.

¹³ Tó ñni ma ute gyāwānn

ñ ɔ̄ kúma ari n p̄o gòma dé!

Tó ñni ḡr̄o lé d̄it̄emēne gwe

gbasa ñ d̄o ma yān dé!

¹⁴ Tó gb̄e gà, ani era àḡo kun yá?

Tó lem̄e, maniḡo wé d̄o ma vunaai

ma ɔ̄sikanaa ḡũn ḡr̄o s̄inda p̄ínki.

¹⁵ Ñni lé zumai mani wemma,

ñni makū k̄i má de n ɔ̄z̄i ũ bege ke.

16 Goro birea n wé nigõ té ma yákenanõ,
ama ñni ma durunna yã da doro.

17 Ñni ma taarinõ ká bòkõn ñ yĩ ñ dite,
ñni lá kú ma yãvãnikenaa pìnõa.

18 Lákú kpi dì gboro à fákõa nà,
akúsõ sísĩ musu gbè gbèntɛɛ dì sõsõ,

19 lákú swa'i dì gbè lólo nà,

akúsõ í dì bùsu sète à táo,
lɛn ndi bisāsiri tãmaa nenɛ le.

20 Ndi gbãna mɔnɛ à tá, àdi su doro,
ndi tó a ãn litɛ à andunia tó.

21 Tó a nénõ gò gbè bèɛɛdenõ ù, ani dõro,
tó ò kè gbè fitinõ ùmɛ sõ, ani ero.

22 Wãwãn anigõ ma ado,
a zĩda pɔsiran àdigõ kɛ.

19

Ayuba wena a gbènnanõa

1 Akú Ayuba wè a gbènnanõla à pì:

2 Ari boren ánigõ wari dõma,
àgõ ma nèse yakamɛnɛ kú yãzõzõnaaoo?

3 A ma sõsõ à kè gèn kuri sà,
áteni ma fobo, wé'i dì á kũro.

4 Tó ma sátemɛ yãpura,
ma taari de ma zĩda yã ùmɛ.

5 Tó a gi áteni á zĩda sé lei demala,
akúsõ áteni ma taari e yã kú à ma le musu,

6 àgõ dõ kú Luda mé à yã dí kèmenɛ kpɛdangara,
à tankute kpàkpamɛnɛ à ma kú.

7 Madì faaba wiki lé, gbèke dì wemaro,
madì surabana óo dõ, yãzede kunlo.

8 Luda zé zòmenε, gēki kunlo,
à gusira dà ma zéla.

9 À ma kpe bò,
à ma fùraa gò.

10 Àdi ma wíwi kpa sīnda pínkia ari ma laka,
àdi ma tāmaa nε lákū òdi lí né nà.

11 Àdi a pofē kipama,
àdi ma dite a ibεε ũ.

12 A zīkarinɔ̀ dì futεmai lεεε,
òdi ma kagura kε,
òdi bùra káte ò lika ma kpéi.

13 À tò ma gbēnɔ̀ dì kakara kūmao doro,
gbē kū ò ma dōnɔ̀ lèε zò ò tātamale.

14 Ma danεnɔ̀ pā kpàmai,
ma gbēnnanɔ̀ sà ma yān.

15 Ma gō nibɔ̀ ũ ma be zīkerinɔ̀ne,
ma gōñne lán buri zītɔ̀ bà.

16 Tó ma a begwarii sisi, àdi wema doro,
bee tó ma kúte kènε kū ma zīda léo.

17 Ma lé'ia dì ke ma nanɔ̀ne léfɔ̀tɔ̀ ũme,
ma vīninɔ̀ kū ma dakūnanɔ̀ yεmai doro.

18 Bee né ketenɔ̀ dì ma gya bo se,
tó ma fute ma ze, òdigō ma lalandi kemε.

19 Ma kpàasinɔ̀n ye ma yāiro,
ma gbē yenyīdenɔ̀ bò ma kpε.

20 Ma mè yitoro kū,
à gò fíti mà ga.

21 À ma wēnda gwa ma gbēnnanɔ̀,
à ma wēnda gwa, zaakū Luda ɔ̀ tòmame.

22 À kè dera adì wé dɔma lán Luda dì wé dɔma nà?
Ma nòbɔ sona dí mɔ́áwa leroo?

23 De ò ma yānɔ kè

ò kà takadan.

24 De ò kè gbèɛa kũ gāo,

ò daruma kpàten àgɔ kun ari gɔrɔ sīnda pínki.

25 Zaa kũ má dɔ kũ ma Zekūnwode kun,

ani fute à ze ma sèedade ũ kpekpe.

26 Tó ma mèbara díkīna kàkate,

mani wé si Ludale mèe sari.

27 Mani wé siale ma zīda,

ani kemene gbē zītɔ ũro.

Yā pì ma kūna gbāna ma swèe gūn.

28 À kè dera a wé dòmene,

a pì makū ma a zīda lèoo?

29 À vīna ke Luda fēnedane,

zaakū ani pɔfē kipao yāvānikerinɔa,

de àgɔ dɔ kũ yākpatε teni á dā.

31

Ayuba zena kũ a taarisarikεo

1 Ma la dà kũ ma wé nigɔ kú nɔkparearo.

2 Bó mé ani gɔ bisāsiri baka ũ Luda kīnaa zaa
musuu?

Bó túbin ani le Gbānasīndapinkide kīnaa zaa lu-
dambεε?

3 Gbē vāninɔn kisira dì n leroo?

Vānikerinɔn kakatēnaa dì gēnyīroo?

4 À de Luda teni ma yākenanɔ e

à ma gèsesena lé dōroo?

5 Madigɔ taa o kũ manafikion yá?

Madì wā mà gbē sāten yá?

⁶ Luda ma yō a zéa à gwa,
ani dō kū má taari vīro.

⁷ Tó ma pā zéne,
akūsō pō kū ma wé ènō mé àteni ma swè ble,
ke tó ma ɔ́ kú yā vāni ke gūn,
⁸ tó lemε, mà pō tō gbē pāndenō ble,
ò pō kū ma bànō wowo.

⁹ Tó gbēke nō ni gè ma swèn,
tó ma nagui ma gbēdake nō yāi,
¹⁰ tó lemε, gbē pānde gbá di ma nanɔa,
àgō kīni ke dakenɔne.

¹¹ Zaa kū tó ma yā pì kè, dà vānimε,
durunna kū à kà ò a yā gōgōmε.
¹² Yā pì bi té pókakateriimε,
kū à de à dō ma burapɔnɔa à té kū kororo.

¹³ Tó ma gōgbē ke nōgbē zīkeri yā vī kūmao,
tó mádi gōgō a zéaro,

¹⁴ mani ke deramε, tó Luda fùtemaii?
Tó à sùmai, mani pine deramεε?

¹⁵ Luda kū à ma í kàsa né'isɔn mé à ade í kàsa seroo?
Luda mèn do pì mé à ó baadi kè a da gberenloo?

¹⁶ Tó ma takaside tē pō kū àteni a ni de,
tó ma gi gyaanō wēnda gwai,

¹⁷ tó ma pō blè,
ma tone kū à gwàri vīro tē sō, tò!
¹⁸ Lenlo! Zaa ma kefennakegɔrɔa
tonenō demε ma ũ.
Zaa lākū ma bo ma da né'isɔn nà
gyaanɔnɔ kpànyīriime ma ũ.

¹⁹ Tó ma gbēke è kū ãa teni a de,

ke tó ma takaside è kū à biza vī à kúaláro,
²⁰ tó adi ma sáabu kṛpá
 kū ma a sākā biza kùala a m̀èè kè lógológoro,
²¹ tó ma gbāna m̀ò tonene,
 kū má d̄s kū oni ze kūmao yākpatekenan yāi,
²² ma g̀a bokūn,
 ma g̀asá wó a pékia.
²³ Má Luda wétāmmaanaa vīna vī,
 a z̄k̄k̄e yāi mani f̄s mà yā dí taka kero.

²⁴ Tó wuraaan ma gbāna làa,
 tó ma p̄i wura atēne má nánikena,
²⁵ tó ma aruzek̄e z̄k̄ōn ma p̄o ða,
 ɔḡoda kū à g̀è ma òi p̄i,
²⁶ tó ifāntē tékenaan má téi,
 ke m̄vura t̄aa'ona kū a manak̄eo,
²⁷ akū n̄ yā teni ma sw̄è ble busebuse,
 ari ma lé p̄è ma ða ma f̄o k̄p̄oíma,
²⁸ abirekū bi durunna kū à kà ò a yā ḡōḡome,
 manafikikena Luda Musuden̄en gwe.

²⁹ Mádi p̄onna ke ma zānguri kū kisira a là yā
 m̄suro,
 mádi a yāa ðo kū yā a là yāiro.
³⁰ Mádi we ma durunna kè ma a k̄aro.
³¹ Dí mé à k̄ipama kū adi p̄o ble à k̄aroo?
 Ma beden̄me ma s̄edad̄no ū.
³² Ma b̄e z̄é ðìḡō w̄ēna nib̄ōn̄e,
 mad̄i we nib̄o g̀èz̄ela ì batunlo.
³³ Ma a taarin̄o ùte gb̄ēn̄e yá?
 Ma lá kù ma durunn̄an̄an yá?
³⁴ Pari vīna ma kū ari ma fua mà yā o yá?
 Kū oni ma gya bo yāin ma gi bo k̄p̄enyī yá?

35 O'o! Dí mé ani ma yā díkĩna mamaa?
Ma zεo. Gbānasĩndapinkide wema sà.
Luda kū à yā vī kūmao pì kē takadan.

36 Mani takada pì sé mà da ma gān,
mani kú fùra ũ,

37 mani gé mà yā kū ma kènɔ babane pínki,
mani nai lán kíne bà.

38 Tó ma bura ten gímai,

akūsō a dɔrɔnɔn ten wiki léma,

39 tó ma burapɔ blè akūsō mádi zĩte pìi fĩna boro,
ke tó ma gbē kū ò vī yānɔ dède,

40 tó lemε, lèkara bute gbado gēne ũ,
pampara sō à bute ése gbèn.

Ayuba yā lén gwe.

38

Dikiri a kíkε mɔna Ayubane

1 Akū Dikiri yā wè Ayubaa zàga'ĩa gūn à pì:

2 Dí mé àten fayasariyā ká ma ɔndōlaa?

3 Ñ fute ñ ze lán négōgbē bà,
mani n la yāi, ñni wema.

4 Kū ma andunia kàte, ní kú mámεε?
Tó ní dōna vī, ñ omεε.

5 Dí mé à a zĩte lé sèedaa lèε?

Dí mé à bàa yōa à gwàa? À de ní dōo?

6 Bó mé à zĩte kūnaa?

Dí mé à a ē pète

7 gɔrɔ kū gudɔna susunenɔn ten ayuwii ke,
malaikanɔ pɔnna wiki dɔ ní pínkii?

8 Kū ísira gu fō à bò,
dí mé à zé tàtaalεε?

9 Ma ludambe luku dàne pókasa ũ,
ma gusira yĩne biza ũ.

10 Ma a lézeki dàne,
ma zénò tàta ma gùrukpanò dàdan.

11 Ma pìne: Ìnigò ká la ñsun vīalaro,
n ísòkena gbānanò ni ze la.

12 Zaa lákū ò n i nà n yā dìte kònkòne yá?
N boki mò gudónaanè ziki yá?

13 Gudónaa dì andunia kū a léa
de à gbāke lán biza bà a yāvānikerinò kóte.

14 Àdi andunia lite kokūkokū lán kwā kpe bà,
kpinò dì bo gupuraa lán uta yīyīkōanaa bà.

15 Àdi gí yāvānikerinòne ò n gusira yā ke,
àdi n ò sena musu é'è.

16 N ge ari zaa ísira ísēbokinò yá?
N táa ò í lòkotoo pìi gānun ziki yá?

17 Ò ga bīnile gbànò mōnnè yá?
N gyāwān gānulènò è yá?

18 N andunia yàasa lé tàasii kà yá?
Tó n yā bireno dō pínki, ñ omènè.

19 Gupura be zén máa?

Ñ gusirakuki dō yá?

20 Ìni fō ñ gé kūńwo n būsun yá?

Ñ n be zé dōroo?

21 Ñ dō sàee! À de ò n i gòro birea!

À de n wè lé vīroo?

22 N gē laasi kū ma gu yīda kàten yá?

N ma legūgbè dō è yá?

23 Madì utε ari warikεgɔɔa,
madì gbarε zìkagɔɔ zĩ.

24 Gupura dì bo máme à dagulaa?
Ifáboki kpa ãa dì bo à da zītela deramεε?

25 Dí mé àdi zé bo legū dasinεε?
Dí mé àdi gu para surapūtānaanεε?

26 Àdi mɔɔ pisi zīte kū gbēke kunloa,
bee gbáranna kū bisāsiri kunlo.

27 Àdi bezĩ kū tàragao yĩda kū,
àdi tó sè butε gwe.

28 Legū de vī yá?
Dí mé à plí ìi?

29 Dí né'isɔn legūgbεε dì bonn?
Dí mé àdi suka i gbasa à kpáa?

30 Dí mé àdi tó í li à ke gbè ũ
à tó ísira musu ke kpakparakpaa?

31 Īni f̄s̄ ñ susunε mèn supplanɔ yĩ ñ kakara yá?
Īni f̄s̄ ñ susunε azianɔ fākōa yá?

32 Īni f̄s̄ ñ mɔ'azia bo a gɔɔa yá?

Īni f̄s̄ ñ gu mɔ susunε kɔ nérande kū a nénɔne yá?

33 N̄ musu pónɔ doka d̄s̄ yá?

Īni f̄s̄ ñ n̄ ká kpatan zītela yá?

34 Īni f̄s̄ ñ lé zu legūi

de à sisi à í bo à n yaku yá?

35 Īni f̄s̄ ñ legūpinanɔ gbarε ò da zén yá?

Òdi su ò onne ókōnɔ dí yá?

36 Dí mé à ãnd̄s̄ dà ludambε lukunɔne à legū maa?

Dí mé à d̄s̄naa kpà sukaa à kpáa?

37 Dí ãnd̄s̄ mé à kà à ludambε lukunɔ naroo?

Dí mé ani f̄s̄ à musu orozānɔ kpákasia keε?

38 Tó a í bòte, bùsu kori dì gō bōkōtō ũ,
lākpakōnōnō dì nanakōa.

39-40 Mōkōmme ndì tofe ká músudane,
tó àten nòbō dādā dākoo gūn yá?
Mōkōmme ndì pòble kpá a nénōa ò kã
gōrō kũ ò kú n̄ tòn yá?

41 Tó kãakãanna nénō ten likara gui,
òten lé zu Ludai kũ pòble kĩańma yãì,
dí mé àdi pòble kpámmaa?

39

1 N̄ zō né'igōrō dō yá?
N gãsi è gōrō kũ àten né i yá?

2 Ndi n̄ nò mō dōdō yá?
Ndi n̄ né'igōrō dō yá?

3 Òdi kúte ò né ime,
akũ n̄ né'iwāwā dì kpáte.

4 N̄ nénō dì gbāna kũ sèn òdi péte,
òdi gē zéla òdi su n̄ danōa doro.

5 Dí mé à tò zaakisēnte gō a zīdane?
Dí mé à a pòro à a gbàre?

6 Ma sēnte ditene a be ũme,
ma zīte wiside kēne a kúki ũ.

7 Àdi pā kpá wēte kīnii,
àdi a kpàkerii zuka maro.

8 Àdigō kure sīsīnōa àgō sè wete,
àdigō kpáte ke pò ísinoi pínki.

9 Zūsēnte ni we à zī kenne yá?
Ani we à i n zùnō karan yá?

10 Ìni bà dɔa de à bú wínnε yá?
 Ìni gbāngo danε de à kpase kēnnε yá?

11 Ìni náani dɔa a gbāna z̄k̄ō yāii?
 Ìni n zī tónε yá?

12 Ìni a náani ke à n pówε sésε
 à suonne pówεgbēkia yá?

13 Sōbā dì a dèmbereṅɔ poro kū ponnao,
 ama ani sí lek̄ōa kū tokū dèmbereoro.

14 Àdi négbīni da zīte,
 àdi tó bùsu'atē négbīnii pìno wā à pipi.

15 À sàsān kū oni su ò gèsε pétea à wíwi,
 keš̄ò nòbòsēntenɔ ni taa oa.

16 Àdigō pāsī kū a nénɔ,
 ìnigō d̄s se a zīda nénɔnlo,
 zī pā kenaa dì kenε yāke ūro.

17 Zaakū mádi a gba òndōro,
 mádi a baka da fayadenɔ téro.

18 Ama tó à fùte à bò kū bàao,
 àdi gē sōla à a òri yáa dɔ.

19 Mòk̄ōn mé ndì tó sō gō gbāna vī yá?
 Mòk̄ōn mé n sèrekā pèpe a wakaaa yá?

20 Mòk̄ōn mé ndì tó àgō vīvī lán kwa bà yá?
 A pò bona a yīn kīni gbāna dì tó vīna ní kū.

21 Àdi a gbá gátεgate guvuten,
 àdi ponna ke a gbāna yāi,
 akū àdi gé da zīkarinole.

22 Àdi pò kū òdi vīna kenε yáa dɔ,
 swèε dì kēaguro, àdi boru kpe fēnedanero.

23 Kàa dìgō kīni ke gbàtan a musu,
 sári lèkete kū sári gésedeo dì pí.

24 Tó ò zǐ kuru pè, àdigõ a zǐda daki dõro,
àdigõ zǐte léle àdigõ vǐvǐ àdigõ ke kèrèkèrè.

25 Tó ò kuru yǐsām pà,
àdi pó bo a yǐn à pi, êhê!

Àdigõ zǐ ãa sése zaa zǎzǎ
kū gbě zǝkǝnǝ wiki gbānao kū kùwikikènaao.

26 N òndõ mé à tò boro di yàa ke,
à a dèmbere poro à gé gènǝmidǝki kpa yá?

27 Mǝkǝn mé n dìte vǎune
àgõ vura zǎzǎ à a sà da zaa musu yá?

28 Àdigõ kú gbèe musu, gwen àdi in,
àdi di gbè mǐsǝntea a aafialeki ũ.

29 Zaa gwen àdigõ kpáte ke pǝblei,
àdi wé pá pǝnǝa zaa zǎ.

30 Arun a nénǝ pǝble ũ,
gu kū pó gè kún, gwen àdigõ kún.

40

Bisasiri di fɔ à Luda vāni boro

1 Akū Dikiri èra à pì Ayubane:

2 Makū Gbānasīndapinkide,
īni ma taari e ñ ma gba laakari yá?
Ludavānibori, ñ yā wema sà.

3 Akū Ayuba wèa à pì:

4 Pǝken ma ũro fá! Deran mani wemmaa?
Séde mà ǝ kú ma léa baasiro.

5 Ma yā ò gèn do, mani era mà o doro,
ma ò gèn pla se, mani yā wemma doro.

6 Akū Dikiri èra à yā ò Ayubane zàga'ĩa gūn à pì:

7 Ñ fute ñ ze lán négõgbě bà,
mani n lala yâi, ñni wema.

8 Ñni lá kú ma yâkɛna a zéalan yá?

Ñ ye ñ ma taari e de n yã bo nnan yá?

9 N gàsã gbãna kà ma pò ù yá?

N kòto ni f̄s̄ à gu yĩgã lán ma pò bà yá?

10 Ñ z̄sk̄k̄e kũ kíkɛo da pókasa manano ù,
ñ gakuri kũ bèɛɛɛo da uta z̄sk̄ ù.

11 Ñ n pɔf̄ɛ kipańma,

ñ zĩdabirinɔ gwa kũ wé pāsĩo ñ wé'i darńma.

12 Ñ zĩdabirinɔ gwa kũ wé pāsĩo ñ ní busa,

ñ ní dúgu z̄s̄ gu kũ ò kún,

13 ñ ní v̄i z̄ĩte ñ pínki,

ñ ní ȳiȳi ñ ní ká gyãwãnn,

14 gbasa mà n sáabu kpá,

kũ n z̄i blè kũ n gàsã gbãnao yâi.

Ūma yã

15 Ñ ūma gwa,

kũ ma a kè lákũ ma n ke nà.

Àdi sè ble lán z̄u bàmɛ.

16 A gbãna kú a wógbaaame,

a iko kú a gberɛ báasiame.

17 A vlã porona lán sida lí bà,

a gbáda tĩ de lán bà tãnaa bà.

18 A wánɔ gbãna lán mògot̄ɛ bà,

a gbánɔ de lán mò gòo bà.

19 A z̄sk̄ mé à de pò b̄ɛɛ kũ ma kènɔla pínki,

a Kèri ado mé aní a f̄s̄.

20 S̄is̄inɔ musun àdi pò blen,

gwen nòbɔs̄ɛntɛnɔ dì f̄ai bon ní pínki.

21 Àdi wúte lè'ite gbáru,

àdigõ sɔtɔ vɔn dàdãa gūn.

²² Lè'ite uraa dì daala,
swa sare lubanɔ dì likai.

²³ Bee tó ísõ ten vīvī, àdi bídi kero,
tó Yoda ísòkena teni a lé pá,
a laakarīi digõ kpátename.

²⁴ Oni fõ ò a wé wíwi ò a kũ yá?
Oni fõ ò òndõ kene ò a yĩ fõ yá?

41

Kwã kàsaraa

¹ Īni fõ ò kwã kàsara kũ kũ daburuuo
ò gáte ò boo yá?

Īni fõ ò bà dɔ a nénea yá?

² Īni fõ ò bà ká a yīn yá?

Īni fõ ò a légbako fõ kũ kúrao yá?

³ Ani kúte kenne ò a gbare yá?

Ani pinne ò sùru ke yá?

⁴ Ani wenne ò a sé n zò ũ
ari a wèndi lén yá?

⁵ Īni a dato lákũ òdi bã dato nà yá?

Īni bà dɔa ò kpá n nénɔgbēnɔa yá?

⁶ Sɔrɔkɔnɔ ni kwã kàsaraa pì tɔkémma yá?

Oni a líli lagatarinɔne yá?

⁷ Īni fõ ò a pápa kũ sakao ò a bára fõ yá?

Īni fõ ò a mì ke yákiyaki kũ sário yá?

⁸ Ñ wete ò naa ò gwa!

Ɔsi pì yá ni sãnguro,

ĩni we ò a buri ke doro.

⁹ Tó nten da ĩni a fõ, nteni n zĩda kekeme,
tó n wé siále, ndigõ sùumme.

¹⁰ Zaakũ gbēke wórɔgɔ dí ká à a go a gbènlo,

dí mé ani f̄s̄ à zε ma arε s̄o?

¹¹ Dí f̄ina mé à d̄oma k̄u mani bonεε?

Pó k̄u à kú andunia gūn s̄inda p̄ínki bi ma pómε.

¹² Mani gí kwā kàsaraa p̄i gbán̄o yā oiro
ke a ḡs̄agbānakε ke a manakε.

¹³ Dí mé ani f̄s̄ à a tèkεε gogoo?

Dí mé ani we à s̄om̄o kánεε?

¹⁴ Dí mé ani we à a lé w̄ék̄ōaa?

A saka kà à gb̄ε naasi k̄u.

¹⁵ A tèkε de lán s̄εgbakon̄o bà a kpε,
à didik̄ōana sarapura sari d̄òr̄od̄òr̄o.

¹⁶ A tèkεε p̄in̄o nanak̄ōame,

bee ãa dì ḡēki lero.

¹⁷ Ò pépεkerεna ḡíngin,

oni sí gok̄ōaro.

¹⁸ Tó à ȳi s̄à, gu dì pumε,
a w̄é de lán if̄ánt̄ē bina k̄onk̄o bà.

¹⁹ Ténενε dì b̄ote a lén,

s̄īs̄i téde dì bon d̄o.

²⁰ Túsukpε dìḡō b̄ote a ȳin

lán í k̄u ò dì téa àten p̄ípi puusu bà.

²¹ A lé'ãa dì tó s̄īs̄i té sé,

ténενε dì bo a lén.

²² A gbāna kú a wakaaame,

gb̄ε k̄u à bòa m̄èε dì ke kp̄àm.

²³ A báasi dìḡō s̄ōs̄ōk̄ōana ḡíngin,

à naa gbāngbān, àdi ȳīgāro.

²⁴ A kù gbāna lán gb̄èε bà,

lán w̄ísil̄ogbe da bà.

²⁵ Tó à f̄ùte, sw̄èε dì k̄ē ḡōsa gbānan̄oгу,

òdi k̄ō k̄ē k̄uò ò kura ḡék̄ii.

²⁶ F̄ēneda k̄u ò a lèò p̄ínki dì p̄óke kεnero

ke sári ke kà ke saka.

²⁷ Àdi m̀̀si gwa lán leba bàme,
m̀̀gotē dìgō denē lán lí mùkumukuu bàme.

²⁸ Àdi bàa lé kàanero,
gb̀̀mba gb̀̀e dìgō denē lán ése ũkã bàme.

²⁹ Àdigō gò gwa lán s̀̀e kori bàme,
sári k̀̀ni dìgō denē yáadɔyã ũme.

³⁰ A gberē tèkē de lán takaso bà,
a gb̀̀e dìgō té b̀̀kɔtɔn
lán z̀̀swa guwib̀̀ɔ̀̀ bà.

³¹ Àdi í l̀̀koto ya lán í k̀̀ ũ àten pípi oron bà,
àdi ísira de lán nísidenaa bà.

³² Íwisi dìgō té a kpe,
ísira p̀̀i dì ya a kpe p̀̀u.

³³ A sára k̀̀ andunia g̀̀nlo,
ma p̀̀no té àk̀̀ mé à ṽna ṽro.

³⁴ Àdi ǹ̀b̀̀ k̀̀ òdi ñ z̃ida biǹ̀ da p̀̀ke ũro,
àk̀̀me ǹ̀b̀̀ k̀̀ ò d̃ite ò k̀̀ǹ̀ k̃ina ũ.

42

Ayuba m̀̀natena Ludane

¹ Ak̀̀ Ayuba p̀̀i Dikirine:

² Má d̃ k̀̀ ĩni f̃ ò yã s̃inda p̀̀nki ke,
gb̀̀eke ni f̃ à kpá ñ p̀̀yeinaanero.

³ Ñ p̀̀i, dí mé àten kpá ònd̃one d̃naa sarii?
Yápurame, ma yã k̀̀ má a gbá d̃ro ò,
yãbonsare k̀̀ à de ma d̃nala.

⁴ Ñ p̀̀i mà sã kpá, ĩni yã o,
ĩni yã lalama, mani wemma.

⁵ Ma ñ yã mà k̀̀ sãome yã,
tera sà ma wé s̃inle.

⁶ Abire yāi ma a zīda gya bò,
ma a nèεε litε ma vute bùsutitin tubura.

Dikiri era à Ayuba zīni pεtenaa

⁷ Dikiri yā birenɔ onaa gbera à yā ò Temana gbē Elifazane à pì: Ma pɔ fēnyī kū n gbēnna gbēnɔn planɔ, zaakū ádi ma yā o a zéa lán ma zòbleri Ayuba bàro.

⁸ À zùsane bòrɔ sé mèn suppla kū sākaroɔ mèn suppla, à géo ma zòbleri Ayuba kīnaa à sa'opɔ kū òdi ká tén à té kū oo, ma zòbleri Ayuba ni adua keáre. Mani a aduakena sí mani keáre á yōnkɔkenaaaro. Ádi ma yā o a zéa lán ma zòbleri Ayuba bàro.

⁹ Akū Temana gbē Elifaza kū Sua gbē Bilidadao kū Naamati gbē Zofao gèè ò kè lákū Dikiri ònne nà, akū Dikiri Ayuba aduakennena sì.

¹⁰ Ayuba aduakena a gbēnnanɔnεε gbera Dikiri tò à sù a gwena zīn. À èra à pó kū à vī yā kàranε leu pla.

¹¹ A vīni kū a dakūnanɔ sù a kīnaa n pínki kū a gbē dōnanɔ n pínki. Ò pó blè kāao a bea ò wēnda kè kāao, ò a laakarīi kpàtεne yā kū Dikiri tò à a lè pínki yāi. Akū n baadi a gbà andurufu ɔgɔ kū wura tānkao mèn dodo.

¹² Dikiri arubarikaa dà Ayubagu kpεkpe de káakupɔla. À sānɔ vī dúbu gēro donsari, lakuminɔ dúbu suddo, zùnɔ wàa kuri kū zaakinɔ wàa sɔɔro.

¹³ À négɔgbēnɔ ì gbēnɔn suppla kū néngbēnɔ mèn aakɔ dɔ.

¹⁴ A néngbē káakude tón Yemima, a plade tón Kezia, a aakɔde tón Kerεnapuku.

15 Bùsuu pìi gūn pínki nɔgbě ke kun a mana kà Ayuba nénɔgbě pìnɔ ũro. N de n túbi dìtèné kũ n dāgōnɔ.

16 Ayuba warikɛnaa gbera à kè wè basuppla dɔ, à wé si a daikorenɔ kũ a sákpɛnɔ kũ a nasionɔ lé.

17 À zĩ kũ yúkuyuku, àkũ à gà.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3